

# INFANT SYRUP UPHAMOL 120

Paracetamol (120mg/5ml)

## Apakah yang ada pada risalah ini

1. Apakah kegunaan Infant Syrup Uphamol 120
2. Bagaimana Infant Syrup Uphamol 120 berfungsi
3. Sebelum menggunakan Infant Syrup Uphamol 120
4. Cara menggunakan Infant Syrup Uphamol 120
5. Semasa menggunakan Infant Syrup Uphamol 120
6. Kesan-kesan sampingan
7. Cara penyimpanan dan pelupusan Infant Syrup Uphamol 120
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RIMUP

## Apakah kegunaan Infant Syrup Uphamol 120

Infant Syrup Uphamol 120 digunakan untuk melegakan demam ringan, demam selsema, pertumbuhan gigi, reaksi selepas vaksinasi, sakit kepala, sakit telinga dan sakit gigi.

## Bagaimana Infant Syrup Uphamol 120 berfungsi

Infant Syrup Uphamol 120 mengandungi paracetamol sebagai bahan aktif. Paracetamol berfungsi dengan menghalang penghasilan prostaglandin dan bertindak di pusat mengawal suhu badan di dalam otak.

## Sebelum menggunakan Infant Syrup Uphamol 120

- *Bila tidak boleh menggunakan*

Jangan menggunakan ubat ini jika anak anda alah terhadap

- *paracetamol*
- sebarang bahan kandungan lain yang disenaraikan di akhir risalah ini

Amaran alahan: Paracetamol boleh menyebabkan alahan kulit yang teruk, seperti kemerahan kulit, lepuh atau ruam.

Tanda-tanda tersebut mungkin menunjukkan keadaan yang serius. Jika tindak balas sedemikian berlaku, hentikan pengambilan dan mendapatkan bantuan perubatan dengan segera.

Penyediaan ini mengandungi PARACETAMOL. Jangan menggunakan Infant Syrup Uphamol 120 jika anak anda mengambil ubat lain yang mengandungi *paracetamol*.

Jangan menggunakan ubat ini selepas tarikh luput pada pek ini atau jika terdapat tanda dibuka atau koyakan pada pembungkusan. Jika ia sudah luput atau rosak, kembalikan kepada ahli farmasi anda untuk dilupuskan.

Jika anda tidak pasti sama ada anak anda patut mula menggunakan ubat ini, sila tanya doktor anda.

- *Sebelum menggunakan Infant Syrup Uphamol 120*

Beritahu doktor anda jika anak anda mempunyai alahan terhadap sebarang ubat lain, makanan, pengawet atau pewarna.

Beritahu doktor jika anak anda mempunyai atau pernah mengalami masalah kesihatan / keadaan kesihatan yang lain. Sekiranya simptom anda berterusan, sila berjumpa doktor atau ahli farmasi anda.

- *Jika mengambil ubat-ubat lain*

Beritahu doktor atau ahli farmasi anda jika anak anda sedang mengambil ubat lain, termasuk sebarang ubat yang anda beli tanpa preskripsi dari farmasi, pasaraya atau kedai makanan kesihatan.

Sesetengah ubat dan Infant Syrup Uphamol 120 boleh bertindak balas antara satu sama lain.

Doktor dan ahli farmasi anda mempunyai lebih banyak maklumat tentang ubat lain yang perlu diberi perhatian atau dielakkan semasa mengambil Infant Syrup Uphamol 120.

## Cara menggunakan Infant Syrup Uphamol 120

Patuhi semua arahan yang diberikan oleh doktor atau ahli farmasi anda dengan teliti.

Arahan-arahan ini mungkin berbeza daripada informasi yang terkandung dalam risalah ini.

Sekiranya anda tidak faham arahan pada pek, tanya doktor atau ahli farmasi anda.

- *Berapa banyak harus digunakan*  
Bawah 3 bulan:

5 hingga 10mg/kg (Atas arahan doktor sahaja)

3 hingga 11 bulan:  
½ hingga 1 sudu teh (2.5 hingga 5ml), 3 hingga 4 kali sehari

1 hingga 5 tahun:  
1 hingga 2 sudu teh (5 hingga 10ml), 3 hingga 4 kali sehari

- *Bila perlu digunakan*

Jangan mengambil ubat ini melebihi 4 kali sehari dan jangan melebihi sukatan yang dicadangkan kecuali dinasihatkan oleh doktor atau ahli farmasi anda.

- *Berapa lama perlu digunakan*

Ambil Infant Syrup Uphamol 120 secara berterusan seperti yang diarahkan oleh doktor anda.

- *Jika terlupa menggunakan*

Ambil dos yang tertinggal sebaik sahaja anda teringat dan kemudian kembali mengambil ubat seperti biasa.

Jika sudah dekat waktu dos seterusnya, tinggalkan dos yang terlupa dan ambil dos seterusnya mengikut jadual biasa.

Jangan gantikan dos untuk menggantikan dos yang terlupa dengan mengambil lebih daripada satu dos pada masa yang sama. Ini mungkin meningkatkan peluang anda mendapat kesan sampingan yang tidak diingini.

- *Jika mengambil berlebihan (terlebih dos)*

Jika anda fikir anak anda atau orang lain mungkin terlebih mengambil Infant Syrup Uphamol 120, hubungi doktor anda untuk mendapatkan nasihat atau pergi ke bahagian kecemasan hospital yang terdekat dengan segera.

Tanda-tanda dan gejala-gejala terlebih dos termasuk:

- Muntah, loya ringan, gangguan gastrousus
- Tekanan darah rendah
- Tiada selera makan
- Cirit-birit

Ini mesti dilakukan walaupun tiada tanda ketidakselesaan atau keracunan. Anak anda mungkin memerlukan rawatan perubatan dengan segera.

**Semasa menggunakan Infant Syrup Uphamol 120**

- *Perkara yang perlu dilakukan*

Beritahu semua doktor, doktor gigi dan ahli farmasi yang sedang merawat anak anda bahawa anak anda sedang mengambil Infant Syrup Uphamol 120.

Jika anak anda akan mula mengambil sebarang ubat baru, beritahu doktor dan ahli farmasi anda bahawa anak anda sedang mengambil Infant Syrup Uphamol 120.

- *Perkara yang tidak boleh dilakukan*

Jangan berhenti mengambil ubat atau mengurangkan dos tanpa berbincang dengan doktor anda.

Jangan mengambil Infant Syrup Uphamol 120 untuk merawat sebarang masalah lain melainkan diarah oleh doktor anda.

Jangan beri ubat ini kepada orang lain, walaupun mereka mempunyai simptom atau penyakit yang sama.

- *Perkara yang perlu diberi perhatian*

*Memandu dan menggunakan jentera*

Ubat ini mungkin mengganggu keupayaan anda untuk memandu atau mengendalikan jentera. Jika ubat ini menyebabkan anda terasa loya, pening, letih, atau sakit kepala, jangan memandu atau mengendalikan jentera dan hubungi doktor anda dengan segera.

**Kesan-kesan sampingan**

Semua ubat boleh membawa kesan sampingan. Kadang kala kesan sampingan ini serius, tetapi selalunya tidak.

Minta nasihat doktor atau ahli farmasi anda jika anda mempunyai sebarang kebimbangan mengenai kesan mengambil ubat ini.

Apabila diambil dalam dos yang disyorkan, kesan sampingan daripada Infant Syrup Uphamol 120 adalah jarang berlaku dan selalunya ringan. Radang kulit dan reaksi hipersensitif lain-lain dilaporkan berlaku sekali-sekala sahaja.

Beritahu doktor atau ahli farmasi anda jika anda mendapati apa-apa yang membuatkan anak anda rasa tidak sihat.

Anda boleh melaporkan sebarang kesan sampingan atau kesan adwers ubat kepada Pusat Pemantauan Kesan Adwers Ubat Kebangsaan melalui No. Tel: 03-78835549, or atau laman web [npra.moh.gov.my](http://npra.moh.gov.my) (*Public → Reporting Side Effects to Medicines (ConSERF) or Vaccines (AEFI)*).

**Cara penyimpanan dan pelupusan Infant Syrup Uphamol 120**

- *Penyimpanan*

Simpan ubat anda dalam pekny sehingga tiba masa untuk mengambilnya.

Simpan dalam bekas tertutup rapat di tempat yang kering pada suhu bawah 30°C. Lindungi daripada cahaya.

Jangan simpan Infant Syrup Uphamol 120 atau ubat lain dalam bilik mandi atau dekat sinki.

Simpan di tempat yang tidak boleh dicapai oleh kanak-kanak.

- *Pelupusan*

Jika doktor atau ahli farmasi anda mengarahkan anak anda berhenti mengambil Infant Syrup Uphamol 120 atau ubat ini sudah melepasi tarikh luputnya, sila tanya ahli farmasi anda apa yang patut dilakukan dengan sebarang ubat yang tinggal.

**Maklumat lanjut**

- *Rupa dan warna produk*

Sirap berwarna oren, berperisa buah-buahan.

- *Bahan-bahan kandungan*

- Bahan aktif:

Setiap 5ml sirap mengandungi 120mg paracetamol.

- Bahan tidak aktif:
  - i. FD & C Yellow No. 6
  - ii. Sugar
  - iii. Cherry Essence
  - iv. Propylparaben,  
methylparaben
  - v. Sorbitol Solution
  - vi. Orange Essence
  - vii. Glycerine
  - viii. Propylene Glycol
  - ix. Saccharin Sodium
  
- Nombor MAL  
MAL19912686XZ

**Pengilang**

Upha Pharmaceutical Mfg (M) Sdn  
Bhd (53667-M)  
Lot 2&4, Jalan P/7, Section 13,  
Bangi Industrial Estate, 43650,  
Selangor Darul Ehsan

**Pemegang Pendaftaran Produk**

Upha Pharmaceutical Mfg (M) Sdn  
Bhd (53667-M)  
Lot 2&4, Jalan P/7, Section 13,  
Bangi Industrial Estate, 43650,  
Selangor Darul Ehsan

**Tarikh kemaskini RIMUP**

04/07/2018

**Nombor Siri:**

NPRA (R4/1)300418/00129